

Aldiënza dl'aconsiadëssa provinziala Maria Hochgruber en jöbia, al 1 d'otober, dales 17.00, tla ciasa de comun a San Martin. Düc è bëgn gnüs.

PLOANIES SAN MARTIN Y LUNGIARÜ

Donaziun de organns: La sèra d'informaziun é stada dër sintida cun les beles testimonianzes de chi che á ciafé o dé n organ; al é na aziun de “scinché vita” y de “amur al proscim”. I orun ponsé do y se baié, y lascé alsavèi (ince por scrit) nosta posiziun. Nia ma: sce iö adori val' mëss döt ester arjigné, mo ince instësc se mëte a desposiziun di atri. **“Ci che tö ós che i atri fejes a te, fale ince tö ai atri” à dit Gejú - le Degan**

La Uniun di Èi Val Badia invieia düc i èi y i jogn en vëndres ai 25 de setëmber dales 19.30 tla dlijia de San Linert ala **prozesciun cun linternes o ciandëres sò Oies**.

Iade a Weissenstein dla Uniun dles porsones vèdues y sores en jöbia, al 1 d'otober: la coriera pèia ia dales 7.45 dala plaza de San Martin; 11.00 mëssa cun siur Iaco W.; 12.00 marèna tl hotel Weissenstein, 15.00 iade a ciasa. Iade, gran y picia marèna 45 €. Anunziesse cina ai 29/09 pro osta rapresentanta o por tel. 0474 590 069.

La **Ciasa de Palsa invieia düc al De di Seniors**, en jöbia, al 1 d'otober, dales 15.00 ales 17.00, a n domisdé d'aurela cörta cun musiga, café y val' de duc. I s'aspetun. Al cianta por le pröm iade le cor dla ciasa y i ghesc mostrará valgügn bai cun musiga.

Al mët indô man i **Cursc de Teologia a Porsenú** por informaziuns info@hs-itb.it o www.hochschulebrixen.it o tel 0472 271 121 - Al foss dër d'ütl sce zacai toless pert.

SAN MARTIN

En sabeda y en domënia, ai 26 y 27 de setëmber, invieia i Stödafüch da San Martin ala **Segra cun chësc program:** en sabeda dales 19.00 daurida dla festa por düc cun poscibilitè da cené y dales 21.00 party cun Dj Elf; en domënia dales 9.30 Mëssa te dlijia y dales 10.30 matiné cun liagnes blances; dales 14.30 defilada y konzert dla musiga da San Martin; dales 17.30 musiga da bal cun i Pazedins.

L'Uniun dles Ères invieia en jöbia, ai 8 d'otober, a na picia spazirada y ciastagnada da Porsenú ia. I piun ia dales 14.00 sot la dlijia cun i auti privac. Por prenotaziuns y informaziuns cherdede sò la Romi 339 71 64 521. Dötes é dër bel inviadës.

LUNGIARÜ

La **Uniun di Omi da Lungiarü invieia al peregrinaje a Weissenstein** en domënia ai 27 de setëmber. Prenotaziuns cina en jöbia (24/09) pro Dolorico 347 94 70 133. Le iade zënza marèna costa 15 euro; cina 18 agn debann. Düc é bel invia.

La **schira jonila mët indô man sua ativité;** n präibel y n dilan ales animadësses Angelica Schanung y Noemi Mischi.

Curs da „stricken n sarnar“ a San Martin, mët man en jöbia, 01/10, dales 13.30 ales 16.30, por 8 iadi, metü a jí dala Uniun Patrunes San Martin. Prenotaziuns pro Loise 0474 590 026 cina en domënia ai 27 de setëmber.

L'Istitut Ladin invieia ala **presentaziun „Tradizioni** nelle vallate ladine dolomitiche de A. Norsa en dedemesaledema, ai 23/09, dales 20.00 tl salf dl Istitut a San Martin.

Curs de lingaz rus vigni mercui dales 19.30 - 21.00 por 10 iadi a Calfosch tla Ciasa dles uniuns, sc'al s'anunziëia altamo 5 partezipanc. Prenot.: Christof 333 66 79 760.

La **Ciasa de Palsa chir volontars** y volontares che sorantol de pici laurs da cují. Por informaziuns telefonede a 0474 524782.



internet: www.valbadiaonline.com

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

20.09.- 27.09.2015 nr. 43

termo da publiché: jöbia 20.00
radio: 90,40 / 93,70



25ª DOMÈNIA IA POR L'ANN B

Vangele: Merch 9,30-37

Gejú i â damanè:

Porsura cî ëise pa baié sön tru?

Ai scutâ,

deach' ai â baié deboriada sön tru

porsura cal che ê le plü gran de d'ëi.

³⁵ Dailò s' à Gejú senté,

à cherdè i dodesc y ti à dit:

Chël che ô ester le pröm

dess ester l'ultimo de düc

y le sorvidù de düc.

³⁶ Y al à metü n môt amesa ëi,

spo l'âl tut te sü brac y ti à dit a d'ëi:

³⁷ Chël che tol sön n te' môt por mia gauja, tol sò mè;

chël indere che tol sò mè, ne tol nia sò mè, mo chël che m' à menè.

Tl vangele da incò aldiunse, che Gejú tol i discepu da na pert.

Gejú se sènta, chësc significhëia, ch'al ó ti dí val' de important.

Al prô da ti splighé, ch'al ne i á nia cherdé da regné sura la jënt y ti ester sura ce.
Le compit di discepu é chël da daidè la jënt sön so tru y da i socodí.

Co podunse pa ti ester d'aiüt ai püri ch'ai pois vire na vita sciöch'al alda?

Chësc mëss ester nosc fistide, ma insciö él meso da vire deboriada en pesc.

Por ti splighé chësc deport ai discepu, mët Gejú n môt itamez. Laota ê mituns, ères y stlafs i ultimi tla sozieté. Mo i mituns á indere cualitès che i gragn á pordü: I mituns chir la proteziun y l'amur che ti dá sigurté, ai adora aiüt y l'azeta.

I mituns é daverç, ai s'inconforta y é bugn da avèi ligrèza y da se fá demorvèia.

Ai se lascia ion ite sön val' de nü y ai va confidënc adincuntra al dagní, ai é sinziers y dij ci ch'ai pënsa. Y lapró n'ói nia ester atramënter co i atri.

Chësc é le deport ch'i podun imparé dai mituns, sides te nosc sorvisc ai atri, sides sciöche fis dl Pere dl cil.



	SAN MARTIN		LUNGIARÜ
20.09.15 25^a Domënia ia por l'ann B	9.00 Corona 9.30 Gran Mëssa por la comunité <i>Patrozine a Weissenstein: Mësses dales 9.00, 11.00 y 14.00</i>	20.09.15 Domënia	7.55 Corona 8.15 Gran Mëssa por la comunité 15.00 Corona tla capela de S. Ujöp Freinademetz <i>Patrozine a Weissenstein: Mësses dales 9.00, 11.00 y 14.00</i>
21.09.15 Lönesc <i>Matî, apostul y vangelist, Jonas</i>		21.09.15 Lönesc	
22.09.15 Dedolönesc <i>Mauriz, Emeram</i>	19.30 Mëssa + + Otto (dl ann) y Clara Zingerle Reuniun dl consëi de cõra	22.09.15 Mertesc	
23.09.15 Dedemesaledema <i>Pio da Pietrelcina, Tecla</i>		23.09.15 Mercui	7.30 Mëssa por Iaco Castlunger vis y + + de Sepl Rives
24.09.15 Jöbia <i>Rupert y Virgile</i>	7.30 Mëssa + Milia Kostner + Tarina Clara (KVV) Corona por vocaziuns	24.09.15 Jöbia	
25.09.15 Vëndres <i>Niclaus da Flüe</i>	19.00 Adoraziun chîta 19.30 Devoziun eucaristica	25.09.15 Vëndres	7.30 Mëssa + + + Pire, Linda y Gabriele Clara
26.09.15 Sabeda <i>Cosma y Damian</i>	14.00 a Picolin: noza de Simona Moling y Simon Tirel 15.30 Mëssa tla Ciasa de Palsa 18.30 Mëssa prefestia families de Sepl Frenes familia de Ivan y Franca Sorá	26.09.15 Sabeda	20.00 Mëssa prefestia + + Franz y Veronica Costa + + Severino y Angela Clara
27.09.15 26^a Domënia ia por l'ann B	SEGRA DA SAN MARTIN 9.00 Corona 9.30 Gran Mëssa por la comunité	27.09.15 Domënia	7.55 Corona 8.15 Gran Mëssa por la comunité 15.00 Corona tla capela de S. Ujöp Freinademetz